

**KUÑA PARAGUÁI REFLEXIÓN DE 5'**  
**VERSIÓN RESUMIDA NÚMERO 55**  
**MBO'EPY: PYTU MBARETE – ÑE'ĒNGUÉRA.**  
**El mal aliento /Las palabras**

**Loida:** Mba'éichapa che angirû. Ko árape ñañe'êta ñande juru rehe. Sapy'ánte oĩ tapicha ndohechakuaáiva oguerekoha pytu mbarete ha oiméramo oikuaa, oikuaase mba'éichapa ikatu okuera upévagui. Ko mbo'epy tuicha mba'e.

Pe pytu mbarete rupi mavavéva noñe'éséi ñane ndive. Ja'e haguéicha ikatu ñande jaguereko avei ha ndajahechakuái. Ko árape ñañe'êta mba'éichapa ikatu ñande juru ipotĩ ha ñane pytuhẽ porã avei.

Umi dentista he'i ndaha'éi ñane rãinte ñamopotĩva'erãha. Ha'ekuéra oipota jacepilla avei ñane kũ, ijatukupéguio ha oka gotyo avei. Jaikuaava'erã pytu mbarete ndaha'éi ñande juru ky'a rupínte. Oĩ avei ambue mba'e ñane mbopytu mbaretéva: ñande py'ápe nañaimẽ porãi ramo, ha ñane rãimbíra oñembyai ramo.

Jay'u heta ramo ojapo porãta ñande rehe ha oĩ avei umi enjuague bucal ikatúva jaiporu, ojukáva umi bacteria. Rekarupa rire ejecepilla ramo ha nde pytu mbarete gueteri ramo reho manteva'erã doctor térã ne dentístape.

Reikuaava'erã ndaha'éiha pe pytu mbareténte ñane momombyryva ñande rapichágui. Ikatu avei umi ja'éva ñanemomombyry ñande rapichágui. Ikatu ombyai ñande rogayguápe ha ñanemomombyry chuguikuéra.

Evangelio de Juan 3: 16pe jajuhu ñe'ẽ iporãitéva. Ko'ã ñe'ẽ niko tuichaite mba'e oje'éva Jesús rehe: “Ñandejára ohayhuetereígui opa yvypórape, ome'ẽva'ekue ta'ýra peteĩete, ani haġua omano umi hese ojeroviáva, oikove haġua uvei opa ára. Ñandejára niko nomboúi ta'ýra yvy ári ohundi haġua yvypórape. Ombou chupe Ha'e rupi onohẽ haġua yvypóra kuérape jejopy vaígui”

Péva ha'e mba'e porã ha ñane myenyhẽ jeroviágui. Oĩ ñande rapicha oñeñandu vaietereiva ohasa asy haguére ha oñeporandu ikatu gueteripa osẽ tenonde gotyo. Ha'e ndéve ikatu resẽ tenonde gotyo rejerovia ramo Jesús rehe. Ha'e ikatu ne pytyvõ ha ne mombarete regueropu'aka haguã umi mba'e hasýva ndéve térã ndeguereko asýva. Ñandejára ñe'ẽ he'i ñandéve Jesús rehe: Cristo, ha'ete voi ogueraha hetepýpe, kurusúre ñane rembiapo vaikue, ñande ñamano haġua teko vaígui ha jaikove tekojojápe. Cristo ojekutupava'ekue, peẽ pekuera haġua.” (péicha he'i 1° Pedro 2: 24)

Biblia avei ñane mbo'e mba'éichapa ñañyrõva'erã ñande rapichápe, umi ojapo vaiva'ekue ñande rehe ha umi iñe'ẽ pohýiva ñandéve. Jesús oike ramo nde rekovépe ohechaukáta ndéve mba'éichapa ikatu reiko porã rejapo ramo iñe'ẽ. Ojerure ñandéve jaheja haġua ljespíritu ombopyahu ñane pensamiento ha ñane remiandu.

Ñandejára he'i ñandéve: "Kuarahy oike mboyve rehejava'erã pochý". Ko árape reñe'ëva'erã umi nde pochýva ndive, ani nde py'aro ha rejejapógui ne reñe'ëvéi nde rapicha ndive. Nemandu'áke Ñandejára Ipu'akapaha. Nane ñe'ë rupive ikatu jagueraha kyre'y oikotevévape térä ñambohasyve chupekuéra. Ejerure Ñandejárape tome'ë ndéve arandu reñe'ë haĝua nde rapicha ndive hekóitépe.